

精鈔
大字

隨

園

全

集

新齊諧

三

增補隨園全集

卷六

木箍頸

莊怡園在閩東。見獵戶有以木板箍其頸者。怪而問之。曰。我兄弟二人。方馳馬出獵。行大野中。忽見一人。長三尺許。白鬚幅巾。揖於馬前。兄問何人。搔手不語。但以口吹其馬。馬驚不行。兄怒。抽箭射之。其人奔竄。兄逐之。久而不返。我往尋兄。至一大樹下。兄仆於地。頸長數尺。呼之不醒。我方驚惶。幅巾人從樹中出。又張口吹我。我覺頸癢難耐。搔之。隨手而長。蠕蠕然若變作蛇。頸者急抱頸馳馬逃歸。始免於死。然頸已瘡廢。不能振起。故以木板箍之。而加鐵馬。或曰。此三尺許人。乃水木之精。游光畢方類也。能呼其名。則不為害。見抱朴子。

掘塚奇報

杭州朱某。以發塚起家。聚其徒六七十人。每夜深昏黑。便持鋤四出。嫌所掘者多枯骨。少金銀。乃設乩盤。預卜其藏。一日。岳王降壇。曰。汝發塚取死人財。罪浮於盜賊。再不悛改。吾將斬汝。朱大駭。自此歇業年餘。其黨無所歸。乃誘其再禱於乩神。以試之。如其言。又一神降。曰。我西湖水仙也。保叔塔下有石井。井西有富人墳。可掘得千金。朱大喜。與其徒持鋤往。過石井。不得。正徘徊間。若有耳語者。曰。塔西柳樹下。非井耶。視之。已填枯井也。掘三四尺。得大石槨。長闊異常。與其黨六七

人共扛之莫能起相傳淨寺僧有能持飛杆咒者誦咒百聲棺槨自開乃共迎僧許以得財烹分僧亦妖匪聞言踊躍而往誦咒百餘石槨豁然開中伸一青臂出長丈許攬僧入槨裂而食之血肉狼籍骨墜地琤琤有聲朱與羣黨驚奔四散次日往視并不見井然淨寺竟失一僧皆知為朱喚去徒眾控官朱以訟事破家自縊於獄朱嘗言所見棺中僵尸不一有紫僵白僵綠僵毛僵之類最奇者在六和塔西邊掘墳有圈門石戶廣數丈中有鐵索懸金飾朱棺斧之乃犀皮所為非木也中一尸冕旒如王者白鬚偉貌見風悉化為灰侍衛甲裳似層層繭紙所為非絲非絹又一陵中朱棺甚大非紼索所懸有四銅人如宦官狀跪而以首承棺雙手捧之土花青綠不知何代陵寢

一目五先生

浙中有五奇鬼四鬼盡瞽惟一鬼有一眼羣鬼恃以看物號一目五先生遇瘟疫之年五鬼聯袂而行伺人熟睡以鼻嗅之一鬼嗅則其人病五鬼共嗅則其人死四鬼俵俵然斜行躑躅不敢作主惟聽一目先生之號令有錢某宿旅店中羣客皆寐已獨未眠燈忽縮小見五鬼排跳而至四鬼將嗅一客先生曰此大善人也不可又將嗅一客先生曰此大有福人也不可又將嗅一客先生曰此大惡人也更不可四鬼曰然則先生將何餐先生指二客曰此輩不善不惡無福無祿不咬何待四鬼即羣嗅之二客鼻聲漸微五鬼腹漸膨亨矣

夢乞兒煮狗

陳秀才清波處館紹興夜間夢遊土地廟廟後有數乞兒狀貌猙獰擁土爐剝黃狗而烹之狗似新受棍傷者血猶淋漓陳心惡之忽門外有衣冠人來罵曰我家狗被汝偷食我將告官語未畢羣丐起而毆之衣冠者倒地死陳驚醒越三日夢青衣皂隸持城隍牌票示之曰狗主人被惡丐打死其鬼已控城隍牒內寫君作證故來相招陳視票果有己名且有聽審日期覺而惡之然自念此事與己無干不過暫往陰司作證因辭館歸以二夢語其親徐某且託曰我死當復生誠恐陰陽隔路一時靈魂迷失乞君購白雄雞書我姓名臨期到城隍廟招呼免我迷路徐以為夢幻難憑笑允之恰終不信也至某月日陳果無疾而逝家人泣報於徐徐急買白雞書陳姓名而往適城隍廟搭臺演戲眾人蜂擁至日昃方能到神座下大呼招魂及歸家六月盛暑尸已腐矣

一棺藏十八人

乾隆四年山西蒲州修城掘河灘土得一棺方扁如箱啟之中有九槨一槨藏兩人各長尺許老幼男婦如生不知何怪

真龍圖變假龍圖

嘉興宋某為仙游令平素峭潔以包老自命某村有王監生者姦佃戶之妻兩情相得嫌其本夫在家乃賄算命者告其夫以在家流年不利必遠遊他方纔免於難本夫信之告王監生王遂

借本錢令貿易四川。三年不歸。村人相傳某佃戶被王監生謀死矣。宋素聞此事。欲雪其冤。一日過某村。有旋風起於轎前。迹之風從井中出差人。擦井得男子腐尸。信為某佃。遂拘王監生與佃妻嚴刑拷訊。俱自認謀害本夫。置之於法。邑人稱為宋龍圖。演成戲本。沿村彈唱。又一年其夫從四川歸。甫入城。見戲臺上演王監生事。就觀之。方知己妻業已冤死。登時大慟。號控於省城臬司某。為之申理。宋令以故勘平人致死抵罪。仙游人為之歌曰。瞎說姦害本夫。真龍圖變假龍圖。寄言人世司民者。莫恃官清胆氣粗。

莆田冤獄

福建莆田王監生。素豪橫。見田鄰張嫗田五畝。欲取成方。造偽契。賄縣令某。斷為己有。張嫗無奈。何以田與之。然中心忿然。日罵其門。王不能堪。買囑鄰人毆殺嫗。而召其子視之。即縛之。誣為子殺其母。擒以鳴官。眾證確鑿。子不勝毒刑。遂誣伏。將請王命。登時凌遲矣。總督蘇昌聞而疑之。以為子縱不孝。毆母當在其家。不當在田野間。眾人屬目之地。且遍體鱗傷。子毆母必不至此。乃檄福泉二知府會鞠於省中。城隍廟兩知府各有成見。仍照前擬定罪。其子受綁將出廟門。大呼曰。城隍城隍。我一家奇冤極枉。而神無靈響。何以享人間血食哉。語畢。廟之西廂突然傾倒。當事者猶以廟柱素朽。不甚介意。甫牽出廟。則雨泥阜隸忽移而前。以兩槌夾之。人不能過。於是觀者大噪。兩府亦悚然重鞠。始白其子冤。而置王監生於法。從此城隍廟之香火亦較盛焉。

水鬼畏罌字

趙衣吉云。鬼有氣息。水死之鬼。羊臊氣。岸死之鬼。紙灰氣。凡人聞此二氣。皆須避之。又云。河水鬼最畏罌字。如人在舟中。聞羊臊氣。則急寫一罌字。可以遠害。

狐仙知科舉

錢方伯琦。蔡觀蔡應彪。未第時。有友吳某。招飲其家。素奉狐仙。二人與羣客至其家。候至日晚。腹已枵矣。不見酒肴。心以為疑。少頃。主出。有愧色曰。今日飲諸公。肴已全備。忽為狐仙攝去。奈何。眾客疑吳惜費。以狐為推。蔡公曰。主人若果治具。必有水漿痕迹。盍往廚房視之。往驗。則餘火未熄。盤碗薑豉之物尚在。始知吳非誑言。眾客欲散。獨蔡公大呼曰。果狐仙在此。我有一言奉問。今年乙卯秋闈。我輩皆下場人。如有一個中者。狐仙還我酒肴。如無一人中者。狐仙竟全啖之。我等亦沒興在此飲酒。言畢。出未久。主人大笑來曰。恭喜諸公。酒肴都全還在案矣。今年必有中者。於是羣客懽飲而罷。是年錢公登第。蔡遲一科。

鬼爭替身人因得脫

會稽王二。以縫衣為業。手挈女裙衫數件。夜過吼山。見水中跳出二人。俱身黑面。牽之入河。王不能自主。隨行數步。忽山頂松樹間。飛下一人。垂眉吐舌。手持大繩。套其腰曳之上山。與黑面鬼彼此爭奪。黑面鬼曰。王二是我替身。汝何得奪之。持繩鬼曰。王二是成衣師父。汝等河水鬼。赤尻

股在水中。並無衣服。要做何所用之。不如讓我王亦昏迷。聽其互拉。然心中略有微明。私念倘遺失女裙衫。則力不能賂。因挂之樹上。適其叔從他路歸。月下望見樹有紅綠女衣。疑而近前視之。三鬼遂散。王二口耳中全是清泥。填塞扶之歸。竟脫於死。

城隍神酤酒

杭州沈玉豐。就幕武康。適上憲有公文。飭捕江洋大盜。盜名沈玉豐。幕中同事袁某與沈戲以硃筆倒標沈玉豐三字。曰現在各處拏你。沈怒奪而焚之。是夜沈方就枕。夢鬼役突入鎖至城隍廟中。城隍神高坐。喝曰汝殺人大盜。可惡。呼左右行刑。沈急辨。是杭州秀才非盜也。神大怒曰陰司大例。凡陽間公文到來。所拏之人。我陰司協同緝拏。今武康縣文書現在。指汝姓名為盜。而汝妄想強賴耶。沈具道同事袁某惡謔之故。神不聽。命加大杖。沈號痛呼冤。左右鬼卒私謂沈曰。城隍神與夫人飲酒醉矣。汝只好到別衙門申冤。沈望見城隍神面紅眼眊。知已沉醉。不得已忍痛受杖。杖畢。令鬼差押往某處收獄。路經闕帝廟。沈高聲叫屈。帝君喚入。面訊原委。帝君取黃紙硃筆判曰。看爾吐屬實係秀才。城隍神何得酤酒妄刑。應提參治罪。袁某久在幕中。以人命為兒戲。宜奪其壽。某知縣失察。亦有應得之罪。念其因公他出。罰俸三月。沈秀才受陰杖五。臟已傷。勢不能復活。可送往山西某家為子。年二十登進士。以償今世之冤。判畢。鬼役惶恐叩頭而散。沈夢醒。覺腹內痛不可忍。呼同事告以故。三日後卒。袁聞之急辭館歸。不久吐血而亡。城隍廟塑像無故

自仆知縣因濫應驛馬事罰俸三月

地藏王接客

裘南湖者吾鄉滄曉先生之從子也。性狂傲。三中副車不第。發怒焚黃于伍相國祠。自訴不平。越三日病。病三日死。魂出杭州清波門。行水草上。沙沙有聲。天淡黃色。不見日光。前有短紅牆。宛然廬舍。就之。乃老嫗數人。擁大鍋烹物。啟之。皆小兒頭足。曰。此皆人間墜落聲也。功行未滿。偷得人身。故煮之。使在陽世不得長成。即大亡耳。裘驚曰。然則嫗是鬼耶。嫗笑曰。汝自視以為尚是人耶。若人也。何能到此。裘大哭。嫗笑曰。汝焚黃求死。何哭之為。須知伍相國。吳之忠臣。血食吳越。不管人間祿命事。今來喚汝者。伍公將汝狀轉牒地藏王。故王來喚汝。裘曰。地藏王可得見乎。曰。汝可自書名紙。往西角佛殿投遞。見不見未可定。指前街曰。此賣紙帖所也。裘往買帖。見街上喧嚷。擾擾如人間唱臺戲。初散光景。有冠履者。有科頭者。有老者。幼者。男者。女者。亦有生時相識者。招之絕不相顧。約略皆亡過之人。心愈悲。向前果有紙店。坐一翁。白衫葛巾。以紙付裘。裘乞筆硯。翁與之。裘書儒士裘某拜。翁笑曰。儒字難居。汝當書某科副榜。轉不惹地藏王呵責。裘不以為然。晚壁上。有詩箋題鄭鴻撰書。兼挂紙錢甚多。裘素輕鄭。乃謂翁曰。鄭君素無詩名。胡為挂彼詩箋。且此地已在冥間矣。要紙錢何用。翁曰。鄭雖舉人。將來名位必顯。陰司最勢利。故吾挂之。以為光榮。紙錢正是陰間所需。汝當多備。賄地藏王侍衛之人。纔肯通報。裘又不以為然。徑至西角佛殿。果有

牛頭夜叉輩約數百人。曾前誘勇字補服。向表狎。猛呵。豐表正。窘急間。有撫其肩者。葛巾翁也。曰。此刻可信我言否。陽間有門包。陰間獨無門包乎。我已為汝帶來。即代表將數十貫納之。勇字軍人方持帖進。聞東角門闌然開矣。喚表入。跪塔下。高堂峨峨。望不見王。紗窗內有人聲曰。狂生表某。汝焚牒伍公廟。自稱能文。不過作爛八股時文。看高頭講章。全不知古往今來多少事業。學問而自以為能文。何無恥之甚也。帖上自稱儒士。汝現有祖母年八十餘。受凍忍飢。致盲其目。不孝已甚。儒當若是耶。表曰。時文之外。別有學問。其實不知。若祖母受苦。實某妻不賢。非某之罪。王曰。夫為妻綱。人間婦人一切罪過。陰司判者。總先坐夫男。然後再罪婦人。汝既為儒士。如何却責於妻。汝三中副車。以汝祖父陰德。陰屍並非仗汝之文才也。言未畢。忽聞殿外有鳴鑼呵殿聲。其遠內亦撞鐘伐鼓。應之一勇字軍人虎皮冠者。報朱大人到。王下閣出迎。表踉蹌下殿。伏東廂竊視之。乃刑部郎中朱履忠。亦表戚也。表愈不平。罵曰。果然陰間勢利。我雖讀爛時文。畢竟是副榜。朱乃入。果得官。亦不過郎中。何至地藏王親出迎接哉。勇字軍人大怒。以杖擊其口。痛而甦。見妻女環哭於前。方知死已二日。因曾中餘氣未絕。故不入殮。此後南湖自知命薄。不復下場。又三年卒。

治鬼二妙

妻真人勸人遇鬼勿懼。總以氣吹之。以無形敵無形。鬼最畏氣。轉勝刀棍也。張豈石先生云。見鬼勿懼。但與之鬪。鬪勝固佳。鬪敗。我不過同他一樣。

孤讀時文

四川臨邛縣李生。年少家貧。偶閒坐。一老叟至。揖而言曰。小女與君有緣。知君未娶。願偕秦晉之婚。李曰。我貧無以為娶。叟曰。郎但許我。娶妻之費。即勿憂。生方疑且驚。俄而香車擁一美人至。年十七八。妝奩甚華。几案揮灑之物。無不携來。叟具花燭。呼壻及女行交拜。撒帳之禮。曰。婚事畢。吾去矣。生挽女解衣就牀。女不可。曰。我家無白衣女壻。須汝科名。吾纔與汝成婚。生曰。考期尚遠。卿何能待。曰。非也。只須看君所作文章。可以決科。便可成婚。不必俟異日。李大喜。盡出其平時所作四書文付女。女翻視良久。曰。郎君平日讀袁太史稿乎。曰。然。女曰。袁太史文雄奇。原利科名。宜讀。然其人天分高。非郎所能學也。因取筆為改數句。曰。如我所作像太史乎。曰。然。曰。汝此後為文。先向我問作意。再落筆。勿草草也。李從此文思日進。壬午舉於鄉。此女在其家事姑孝。理家務當。至今猶存。人亦忘其為孤矣。此事臨邛知州楊潮觀為予言。

何翁傾家

通州何翁。生三子。皆庸俗。長子尤陋。娶婦王氏。美而薄。其夫鬱鬱不得志。死後。鬼常憑次婦。史氏為厲。何翁苦之。具牒城隍廟。越數日。忽換一鬼。憑次婦。言曰。請親翁答話。何錯愕。問為誰。曰。我史某。爾次婦之父也。死後為郡神。掌案吏。不得留心家事。昨見翁牒。方知我女為王氏鬼所苦。我懇本官。已將王氏發配雲南。嗣後可無患。惟是我女。適翁家時。我已去世。家業蕭條。愧無妝奩。

至今耿耿茲在冥司積白金五百兩當送女室翁可於本月十六日子時備香燭錠帛同次子祭廚房之西南隅焚帛鋤土即得矣并戒是夕備素筵一席我將邀二三同輩來慶翁也翁如其言及期鋤土竟得空罐父子怏怏至夕鬼又憑婦曰翁運可謂蹇矣我多年蓄積一旦為犬子奪去奈何先是何翁有婢適徐氏生一兒名犬子姊夫及姊亡犬子零丁挈千金依舅氏舅待之薄未幾犬子亦亡其貲盡為何有犬子怨之故先期來奪去取五百金蓋鬼事鬼知也越半載次婦歸甯暮回家進門忽倒地大哭極口罵何翁不絕舉家驚聽其言乃王氏自配所逃回方謀昇入內室而三總房中婢奔出告曰三娘子在房晚妝忽將妝臺打破拍桌大呼勢甚凶猛不解何故何翁夫婦入視則又有鬼憑焉乃王氏之解差鬼罵曰何老奴才大沒良心自家兒媳全不顧恤忍心控害押赴遠方且倚仗爾親翁史某作掌案吏勢叫我走此萬里苦差分文不給如何得至雲南今王氏感我一路恩情將身配我我與伊回不得家鄉進不得衙門只好借爾家作洞房花燭快溫酒來與我解寒何氏次三兩媳本對房居此後王憑次婦則差憑三總王憑三媳則差憑次婦終日不安翁奔告神廟神不復靈翁大費貲財遍求方士如此者二年江西道士蘭方九應招而來先作符十數張遍貼其宅之前後門再入室仗劍步罡兩婦先於房作笑罵狀次作驚鼠狀後作哀懇狀忽屋角响聲如雷兩婦伏地蘭持小瓶曰鬼入鬼入旋封其口而兩婦醒蘭命起王氏墓奔其棺面目如生尸僵出血乃焚灰與小瓶合理埋用石鎮之其祟永絕而何翁從此傾家

江軼林

江軼林通州士人也。世居通之呂泗場。娶妻彭氏。情好甚篤。彭歸江三年。軼林甫弱冠。未遊庠。一夕夫婦同夢軼林於其年某月日遊庠。彭氏即於是日亡。學使臨通州。呂泗場距通州百里。軼林以夢故。疑不欲往。彭促之曰。功名事重。夢不足憑。軼林強行。及試。果獲售。案出。即夢中月日也。軼林大不懌。越二日。果聞彭訃。試畢。急回家。彭死已二七矣。通俗。人死二七夜。設死者衣衾於柩側。舉家躲避。言魂來赴屍。名曰回煞。軼林痛彭之死。即於回煞夜。昇牀柩旁。潛處其中。以冀一遇。守至三更。聞屋角微響。彭自房檐冉冉下。步至柩前。向燈稽首。燈即滅。滅後室中。自明如晝。軼林惟恐驚彭。不敢聲。彭自靈前循柩走至牀。揭帳低聲呼曰。郎君歸未。軼林躍出。抱持大哭。哭罷。各訴離情。解衣就寢。歡好無異生前。軼林從容問曰。聞說人死有鬼。卒拘束。回煞有煞神與偕。爾何得獨返。彭曰。然神即管束之鬼。卒也有罪則羈縻而從。冥司念妾無罪。且與君前緣未斷。故縱令獨回。軼林曰。爾無罪。何故早死。曰。修短數也。不論有罪無罪。軼林曰。卿與我前緣未斷。今此之來。莫非將盡於此夕乎。答曰。尚早。前緣了後。猶有後緣。言未畢。聞戶外風起。彭大懼。以手持軼林曰。緊抱我。護持我。凡作鬼。最怕風。風倘著體。即來去不能自主。一失足。被他吹到遠處去矣。雖鳴言別。軼林依依不捨。彭曰。無庸。夜當再會。言訖而去。由此每夜必來。來檢閱生時奩物。為軼林補綴衣服。兩月餘。忽敝歔泣曰。前緣了矣。此後當別十七年。始與君續後緣。言訖去。軼林美少年。家豐於

財里中願續婚者眾。軼林概不允。待至十七年。以彭氏貌物色求婚。愿通泰儀揚俱不得。仍歸呂泗。呂泗故邊海。有海舶自山東回者。載老翁夫婦來。言本土族止生一女。依叔為活。其叔欲以其女結婚豪族。翁頗不願。故來避地。女亦欲嫁一江南人。人為翁言軼林。翁甚欲之。言諸軼林。軼林必欲一見其女乃可。翁許之。見則宛然一彭也。問其年。曰十七年。其生時月日即彭死之兩月後也。軼林欣然訂娶。歡好倍常。性情喜好。仿佛彭之生前。或叩以前生事。笑而不言。軼林字曰蓬萊仙子。隱喻蓬仙再來也。子曰彭兒。女曰彭媳。歡聚者十七載。夫婦得疾先後卒。

裏足作俑之報

杭州陸梯霞先生。德行粹然。終身不二色。或以戲旦妓女勸酒。先生無喜無慍。隨意應酬。有犯小罪求闕說者。先生唯唯。當事者重先生所言。無不聽。或訾先生自貶風骨。先生笑曰。見米飯落地。拾置几上。心纔安。何必定自家吃耶。凡人有心立風骨。便是私心。吾嘗奉教於湯潛庵中丞矣。中丞撫蘇時。蘇州多娼妓。中丞但有勸戒。從無禁捉。語屬吏曰。世間之有娼優。猶世間之有僧尼也。僧尼欺人以求食。娼妓媚人以求食。皆非先王法。然而歐公本論一篇。既不能行。則飢寒怨曠之民。作何安置。今之虐娼優者。猶北魏之滅沙門毀佛像也。徒為胥吏生財。不揣其本。而齊其末。吾不為也。一日者。先生夢皂隸持帖相請。上書年家眷弟楊繼盛拜。先生笑曰。吾正想見椒山公。遂行至一所。宮殿巍然。椒山公烏紗紅袍。下階迎曰。繼盛蒙玉帝旨。任滿將陞。此坐需公。先生辭。

曰我在世間不屑為陽官故隱居不仕今安能為陰間官乎椒山笑曰先生真高人薄城隍而不為語未畢有判官向椒山耳語椒山曰此案難判須奏玉帝再定先生問何案曰南唐李後主裹足案也後主前世本嵩山淨明和尚轉身為江南國主宮中行樂以帛裹其妃竊娘足為新月之形不過一時偶戲不料相沿成風世上爭為弓鞋小腳將父母遺體矯揉穿鑿以致量大校小婆怨其媳夫憎其婦男女相貽恣為淫褻不但小女兒受無量苦且有婦人為此事懸梁服酒者上帝惡後主作俑故令其生前受宋太宗牽機藥之毒足欲前頭欲後比女子纏足更苦苦盡方薨近已七百年懺悔滿將還嵩山修道矣不料又有數十萬無足婦人奔走天門喊冤云張獻忠破四川時截我等足堆為一山以足之至小者為山尖雖我等刳運該死然何以出乖露醜一至於此豈非李王裹足作俑之罪求上帝嚴罰李王我輩目縷瞑上帝惻然傳諭四海都城隍議罪文到我處我判孽由獻忠李後主不能預知難引重典請罰李王在冥中織屨二百萬償諸無足婦人數滿纔許還嵩山奏草雖定尚未與諸城隍會稿先生以為何如先生曰習俗難醫愚民有焚其父母尸以為孝者使有痛其女子之足以為慈者事同一例也椒山公大笑先公辭出醒竟安然嗣後椒山公不復來請壽八十餘卒常笑謂夫人曰母為吾女兒裹足恐害李後主在陰司又多織一雙屨也

判官答問

謝鵬飛以仁和廩生為陰間判官。晝如平人。夜則赴冥司勾當公事。友朋多託查壽數。不肯人疑其懼洩天機。曰：「非也。陽間有司衙門。惟犯罪涉訟者。纔有文簿可查。否則百姓林林總總。誰有工夫為造保甲冊。官府聽其自來自去耳。陰間亦然。君輩不涉訟。不犯冥拘。氣數來則生。氣數盡則死。我實無冊可查。問瘟疫死者可查乎？」曰：「此陽九百六。陰陽小劫。應死者如府縣考試。有點名簿。恰可以查。然皆庸庸小民。方入此冊。若有來歷之人。便不在小劫數中。來去猶之陽間有官陰者。不考童生也。問疫外尚有大批數乎？」曰：「水火刀兵。是大劫數。此則貴顯者難逃矣。問冥司神孰尊？」曰：「既曰冥司。何尊之有？尊者上界仙官耳。若城隍土地之職。如人間府縣俗吏。風塵奔走。甚勞苦。賢者不屑為。昔白石仙人終朝煮白石。不肯上天。人問故。曰：「玉宇清嚴。符籙麻起。仙官司事者甚勞苦。故願逍遙於山巔水涯。永為散仙。亦此意也。」

蔣太史

蔣太史士銓。官中書時。居京師賈家衚衕。十一月十五日。兒子病。與其妻張夫人在一室中。分牀卧。夢隸人持帖來請。不覺身隨之行。至一神廟。入門小憩。見門內所塑泥馬。手撫之。馬竟動。揚其鬣。隸扶蔣騎上。騰空而行。下視田畝如棋盤縱橫。俄而雨濛濛然。心憂濕衣。仰見紅油繖有一隸。攀而覆之。未幾馬落一大殿。塔下宏敞。如王者居。殿外二井。左扁曰「天堂」。右扁曰「地獄」。蔣望天堂上。軒軒大明。地獄則黑深不可測。所隨隸亦不復見。殿旁小屋有老嫗擁鑪炊火。問何所煮。

曰。煮惡人。開鍋蓋視之。果皆人頭。地獄井邊有人衣藍縷。自往投入。嫗曰。此王爺將囚寄獄也。將問此非人間乎。曰。何必問。見此光景。亦可知矣。蔣問我欲一見王爺可乎。曰。王請君來。自然接見。何必性急。君欲先窺之亦可。因取一高足几。登將。蔣從殿隙窺王。王年三十餘。清瘦微鬚。冕旒盛服。執笏北向。嫗曰。此上玉帝表也。王焚香俯伏叩首畢。隨聞正門豁然開。召蔣入。蔣趨進。見王服飾盡變著。本朝衣冠。白布纏頭。以兩束布從兩耳拖下。若三禮圖所畫古人冠服狀。坐定曰。冥司事繁。我任滿當去。此坐乞公見代。音似常州武進人。蔣曰。我母老子幼。事未了。不能來。王有愠色曰。公有才子之名。何不達乃爾。令堂太夫人自有太夫人之壽命。與公何干。尊郎君自有尊郎君之壽命。與公何干。世上事夢了。就了。要不了。便不了。我已將公姓名奏明上帝。無可挽回。言畢。自掀其椅背。蔣坐。若不屑相昵者。蔣亦怒發。取其几上木杌。拍几厲聲曰。不近人情。何動蠻也。大呼而醒。覺一燈熒然。身在牀上。四肢如冰。汗涔涔透重衾矣。喘息良久。始能起坐。呼夫人告之。夫人大哭。蔣曰。且住。勿驚太夫人。因憑几坐。夫人伺馬漏下四鼓。沉沉睡去。不覺又到冥間。殿宇恰非前處。殿上設五座位。案牘如山。四座有人。專掌第五座。一吏指告曰。此公座也。蔣隨行至第三座。視之本房老師馮靜山先生也。急前拱揖。馮披羊皮袍。卸眼鏡。欣然曰。足下來好好。此間簿書忙極。非足下助我不可。蔣曰。老師亦道此言乎。門生母老子幼。他人不知。老師深知。如何能來。馮慘然曰。聽足下言。觸起我生前心事矣。我雖無父母。而妻少子幼。亦非可來之人。現在陽間妻